

ქ. თბილისი

“15” 02 “ 2019 წ.

ერთი მხრივ, საქართველოს განათლების, მეცნიერების კულტურისა და სპორტის სამინისტრო (შემდგომში „შემსყიდველი“) წარმოდგენილი ეკონომიკური დეპარტამენტის უფროსის მარიამ ტაბატაძის სახით და მეორე მხრივ, ააიპ „სამოქალაქო საზოგადოების განვითარების ცენტრი“ (CSDC) (შემდგომში „მიმწოდებელი“) წარმოდგენილი მისი პრეზიდენტის ნინო თოდუას სახით, სახელმწიფო შესყიდვების შესახებ კანონისა და მიმწოდებლის სატენდერო წინადადების საფუძველზე, NAT190001425 ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს მომსახურების გაწევას ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 მიმწოდებელმა უნდა უზრუნველყოს 2019-2020 წლების განმავლობაში მიუსაფარი ბავშვებისთვის (ე.წ. ქუჩაში მცხოვრები და მომუშავე ბავშვებისთვის) სპეციალური საგანმანათლებლო სერვისის - „ტრანზიტული საგანმანათლებლო პროგრამის“ განხორციელების მომსახურება (CPV80200000), რომლის დეტალები და აღწერილობა მოცემულია წინამდებარე ხელშეკრულების დანართი N2-ში.

3. ხელშეკრულების ჯამური ღირებულება

- 3.1 ხელშეკრულების ჯამური ღირებულება შეადგენს 300000,0 (სამასი ათასი) ლარს.
მათ შორის: 2019 წლის ფარგლებში - 150000,0 (ასორმოცდაათი ათასი) ლარი, 2020 წლის ფარგლებში - 150000,0 (ასორმოცდაათი ათასი) ლარი.
- 3.2 მომსახურების ბიუჯეტი და ერთეულის ფასები მოცემულია დანართ N1-ში, რომელიც წარმოადგენს წინამდებარე ხელშეკრულების განუყოფელ ნაწილს.
- 3.3 ხელშეკრულების ჯამური ღირებულება მოიცავს შემსრულებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

- 4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.2 მიმწოდებელთან ანგარიშსწორება განხორციელდება ეტაპობრივად, ფაქტიურად გაწეული მომსახურების შესაბამისად, მიღება-ჩაბარების აქტის გაფორმების საფუძველზე.
- 4.3 მიმწოდებელთან ანგარიშსწორება განხორციელდება შესაბამისი დოკუმენტაციის ხელმოწერიდან 10 სამუშაო დღის განმავლობაში.

4.4 დაფინანსების წყარო: 2019 და 2020 წლის სახელმწიფო ბიუჯეტი, "ინკლუზიური სწავლების ხელშეწყობის" პროგრამის მე-4 ქვეპროგრამა „განათლების მიღების მეორე შესაძლებლობა სოციალური ინკლუზიით“ (პროგრამული კოდი 320601).

5. მომსახურების მიღება-ჩაბარების წესი

5.1 მომსახურება ჩაითვლება გაწეულად მხოლოდ მიღება-ჩაბარების აქტის გაფორმების შემდეგ.

5.2 მიღება-ჩაბარების აქტის გაფორმების საფუძველია მიმწოდებლის მიერ წარმოდგენილი ანგარიში გაწეული მომსახურების შესახებ და შემსყიდველის მხრიდან შედგენილი შესაბამისი კონტროლის აქტი.

5.3 შემსყიდველის მხრიდან მიღება-ჩაბარების აქტზე ხელმოწერის უფლება ენიჭება სკოლამდელი და ზოგადი განათლების განვითარების დეპარტამენტის უფროსის მოადგილე ან მისი ფუნქციათა შემსრულებელი.

6. მომსახურების გაწევის ადგილი და ვადა

6.1 მომსახურება განხორციელდება საქართველოს მასშტაბით მოქმედ მიუსაფარი ბავშვებისთვის არსებულ სერვისებში ქ. თბილისში, ქ. ქუთაისში, ქ. რუსთავში.

6.2 მომსახურება განხორციელდება შემდეგ ვადებში:

6.2.1. პროგრამაში მითითებული ღონისძიებებისთვის გათვალისწინებული აქტივობების განხორციელება მომსახურების მომწოდებელ ორგანიზაციასთან შეთანხმებული გრაფიკის მიხედვით ხელშეკრულებით განსაზღვრული რიცხვიდან 2019/20 წ-ს 20 დეკემბრამდე;

6.2.2. ანგარიშის წარმოდგენა შერჩეული სპეციალისტების და მათი რაოდენობის შესახებ (სააპლიკაციო ფორმები) ხელშეკრულების გაფორმებიდან 10 დღის ვადაში, სპეციალისტების ცვლილების ან დამატების შესახებ ინფორმაცია უნდა აისახოს მიმდინარე ანგარიშებში;

6.2.3. ბენეფიციარ ბავშვთა საგანმანათლებლო საჭიროებების შეფასების ორგანიზება ხელშეკრულების გაფორმებიდან 20 დღის შემდეგ პროგრამის დასრულებამდე;

6.2.4. მითითებულ ბავშვზე ზრუნვის სერვისებში საგანმანათლებლო პროცესის დაწყება ხელშეკრულების გაფორმებიდან 15 დღის შემდეგ 2019/20 წლის ბოლომდე, სკოლებში სასწავლო პროცესის დასრულებამდე;

6.2.5. სპორტული და კულტურული აქტივობები, თეატრალურ და სპორტულ ღონისძიებებზე დასწრების გეგმა-გრაფიკი ხელშეკრულების გაფორმებიდან 40 დღის ვადაში;

6.2.6. მშობელთა საინფორმაციო კამპანიისთვის მასალების უზრუნველყოფა ხელშეკრულების გაფორმებიდან 40 დღის ვადაში, 2020 წლისთვის თებერვლის ბოლოს

6.2.7. საჯარო სკოლების პედაგოგების და დირექტორების შერჩევა და მათთან კომუნიკაცია ცნობიერების ამაღლების ტრენინგში ჩართვისთვის ხელშეკრულების გაფორმებიდან 2019-2020 წლის განმავლობაში;

6.2.8. მშობლებთან შეხვედრების გრაფიკის წარმოდგენა 2019 წელს ხელშეკრულების გაფორმებიდან 40 დღის ვადაში, 2020 წელს, თებერვლის 15 რიცხვამდე;

6.2.9. ტრენინგების კოორდინაციისა და მშობელთა საინფორმაციო კამპანიის უზრუნველყოფა სამინისტროსთან შეთანხმებული გეგმა-გრაფიკის მიხედვით;

6.2.10. საგანმანათლებლო პროცესის მიმდინარეობის შესახებ ანგარიში ყოველი თვის ბოლოს ბენეფიციართა პორტფოლიუმის მიხედვით;

6.2.11. წლიური და საბოლოო ანგარიშის წარმოდგენის ვადა 2019 და 2020 წლის 20 დეკემბრის ჩათვლით;

7. მხარეთა უფლება-მოვალეობები

7.1 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

7.2 შემსყიდველმა უნდა უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.3 მიმწოდებელი ვალდებულია გაუწიოს მომსახურება დანართი N2-ში მითითებული ტექნიკური დავალების შესაბამისად.

7.4 მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

8. ხელშეკრულების კონტროლი

8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

8.2. ამ მუხლის პირველი პუნქტით გათვალისწინებული კონტროლისა და ზედამხედველობის განმახორციელებელი პირია ინკლუზიური სწავლების ხელშეწყობის პროგრამის "განათლების მეორე შესაძლებლობა სოციალური ინკლუზიით" ქვეპროგრამის კოორდინატორი განათლების მეორე შესაძლებლობის მიმართულებით ლელა გაფრინდაშვილი.

8.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი პერსონალით, სხვა სამუშაო პირობებით. იმ შემთხვევაში, თუ შემსყიდველი კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

8.4 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1 ფორს-მაჟორული პირობების გარდა, შემსყიდველი უფლებამოსილია ხელშეკრულებით ნაკისრი ვალდებულების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ დღეზე გაუწეველი მომსახურების ღირებულების 0,2%-ის ოდენობით.

9.2 მიმწოდებლის მიერ ხელშეკრულებით ნაკისრი ვალდებულების შეუსრულებლობის შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა ხელშეკრულების საერთო ღირებულების 5%-ის ოდენობით.

9.3 მიმწოდებლის მიერ ხელშეკრულებით ნაკისრი ვალდებულების არაჯეროვანი (ნაწილობრივ) შესრულების შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა შესასრულებელი (დარჩენილი) ვალდებულების ღირებულების 5%-ის ოდენობით.

9.4 იმ შემთხვევაში, თუ მიმწოდებელი ხელშეკრულებით ნაკისრი ვალდებულების შესრულებას გადააჭარბებს 10 კალენდარული დღით ან/და არაჯეროვნად შეასრულებს, შემსყიდველი იტოვებს უფლებას ცალმხრივად შეწყვიტოს ხელშეკრულება და ასევე, გამოიყენოს ამ მუხლის 9.3 პუნქტით გათვალისწინებული პირობები.

9.5 მე-4 მუხლის 4.3 პუნქტში მითითებული ვადის გადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.6 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) შეტყობინებიდან არაუგვიანეს 1 თვის ვადისა.

10. ხელშეკრულების უზრუნველყოფის გარანტია

10.1 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილია სს „თიბისი ბანკის“ მიერ 2019 წლის 12 თებერვალს გაცემული №2136201-10367978 საბანკო გარანტია თანხით 15000,0 (თხუთმეტი ათასი) ლარი, გარანტიის მოქმედების ვადაა 2021 წლის 25 თებერვალი.

10.2 ხელშეკრულების 10.1 პუნქტით გათვალისწინებული გარანტია არის „უპირობო“, ე.ი. გარანტიით გათვალისწინებული თანხები შემსყიდველმა უნდა მიიღოს ყოველგვარი დამატებითი განმარტებისა და მტკიცებულების წარდგენის გარეშე, პირველი მოთხოვნისთანავე.

10.3 მიმწოდებლის მიერ ხელშეკრულებით ნაკისრი ვალდებულების სრულად შესრულების ან მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში,

შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის გარანტია და/ან მასთან დაკავშირებული დოკუმენტაცია.

10.4 მიმწოდებლის მიერ ხელშეკრულების მე-9 მუხლით გათვალისწინებული პირობების შეუსრულებლობის შემთხვევაში გამოიყენება მიმწოდებლის მიერ წარმოდგენილი ხელშეკრულების შესრულების უზრუნველყოფის საბანკო გარანტია სრული ოდენობით.

11. ხელშეკრულებაში ცვლილებების შეტანა და ხელშეკრულების შეწყვეტა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3 საქართველოს სამოქალაქო კოდექსის 398-ე მუხლით გათვალისწინებული გარემოებების და-დგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.4 იმ შემთხვევაში როდესაც საქართველოს კანონმდებლობით განისაზღვრება იმგვარი პირობა რითაც ერთერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.

11.5 ხელშეკრულების შეწყვეტა შემსყიდველს არ ართმევს უფლებას დააკისროს მიმწოდებელს პირგასამტეხლო წინამდებარე ხელშეკრულებით გათვალისწინებული პირობებით

11.6 შემსყიდველი ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 11.4 პუნქტით გათვალისწინებულ გადაწყვეტილების მიღების განზრახვის შესახებ

11.7 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. ინტერესთა კონფლიქტი

საქართველოს კანონის „სახელმწიფო შესყიდვების შესახებ“ მე-8 მუხლის მოთხოვნათა გათვალისწინებით, წინამდებარე ხელშეკრულებაზე ხელმომწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში „მიმწოდებელთან“.

13. ფორს-მაჟორი

13.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

13.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელმწიფო გადატრიალება და სხვ.).

13.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.

13.4 შემსყიდველისთვის მიერ ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.

13.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

14. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა

ხელშეკრულება ძალაში შედის მისი ხელმოწერის დღიდან და მოქმედებს 2021 წლის 20 იანვრის ჩათვლით, მხარეთა მიერ წინამდებარე ხელშეკრულებით გათვალისწინებული ვალდებულებების სრულად შესრულებამდე.

16. დასკვნითი დებულებები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი რჩება შემსყიდველს, ერთი – მიმწოდებელს.

მხარეთა რეკვიზიტები:

მიმწოდებელი

ააიპ „სამოქალაქო საზოგადოების განვითარების
ცენტრი (CSDC)“

მისამართი: ქ. თბილისი, ალ. ყაზბეგის 47

ტელ: 599924134

ს.ს. „თბილისი ბანკი“, კოდი: TBCBGE22

ა/ა GE61TB7620136080100001

საიდენტიფიკაციო კოდი 401951642

შემსყიდველი:

საქართველოს განათლების, მეცნიერების,
კულტურისა და სპორტის სამინისტრო

მისამართი: ქ. თბილისი, დ. უზნაძის ქ. N52

ტელ.: 2200220

საბანკო რეკვიზიტები:


სახელმწიფო ხაზინა,

კოდი: TRESGE22; ა/ა GE24NB0330100200165022;

საიდენტიფიკაციო კოდი 202051224

პრეზიდენტი

ნინო თოდუა




ეკონომიკური დეპარტამენტის უფროსი
მარიამ ტაბატაძე




დანართი N1

კომპონენტი	დასახელება	განზომილება/რაოდენობა	თვეების რაოდენობა	ერთეულის ფასი (ლარი)	სულ ფასი (ლარი)-ერთწლიანი პროგრამა	სულ ფასი (ლარი)-ორწლიანი პროგრამა (2019-2020)
I	სასიცოცხლო უნარების განვითარების ხელშეწყობა	ცენტრების რაოდენობა - 6	11	1100	72,600.00	145,200.00
II	აკადემიური უნარების განვითარების ხელშეწყობა	ცენტრების რაოდენობა - 6	11	1000	66,000.00	132,000.00
III	სპორტული და კულტურული ღონისძიებები		ღონისძიების რაოდენობა			
ა)	სხვადასხვა აქტივობების დაგეგმვა პროგრამაში ჩართული ბენეფიციარების მონაწილეობით (თითოეული ბენეფიციარისთვის 3 სპორტული და 3 კულტურული ღონისძიება პროგრამის განმავლობაში)	ბენეფიციართა სავარაუდო რაოდენობა - 100	6		1400.00	2,800.00
ბ)	ბენეფიციარების დასწრება ღონისძიებებზე (თითოეული ცენტრის ბენეფიციარისთვის დასწრება პროგრამის განმავლობაში 2 სპექტაკლზე და/ან კონცერტზე და 2 სპორტულ ღონისძიებაზე)	ბენეფიციართა სავარაუდო რაოდენობა - 100	4		2200.00	4,400.00
გ)	ექსკურსიები ბენეფიციარებისთვის ქალაქის ღირსშესანიშნავ ადგილებში (თითოეული ცენტრის ბენეფიციარისთვის პროგრამის განმავლობაში 2 ექსკურსია)	ბენეფიციართა სავარაუდო რაოდენობა - 100	2		1500.00	3,000.00
IV	სკოლის გაძლიერების ხელშეწყობა					0
V	სკოლის მოსწავლეთა მშობლებისთვის საინფორმაციო კამპანია (მათ შორის 1000 ცალი ბუკლეტის ბეჭდვა და დარიგება)					
ა)	შეხვედრების ფასილიტაცია	შეხვედრების სავარაუდო რაოდენობა - 10		250	2,500.00	5,000.00
ბ)	საინფორმაციო ბუკლეტების მაკეტი, ბეჭდვის ღირებულება	ბუკლეტების რაოდენობა - 1000		1.3	1,300.00	2,600.00
გ)	ბენეფიციარებისათვის თვალსაჩინოებებისა და დამხმარე სასწავლო მასალები (მაგ: წიგნები, რვეულები, განმავითარებელი თვალსაჩინოებები, საკანცელარიო ნივთები და ა.შ.)				2,500.00	5,000.00
სულ ჯამი:					150,000.00	300,000.00

მიმწოდებელი
პრეზიდენტი

ნინო თოდუა



მმსყიდველი:
ეკონომიკური დეპარტამენტის უფროსი

მარიამ ტაბატაძე



ტექნიკური დავალება

1. პროგრამის მიწოდების ადგილი:

„ტრანზიტული საგანმანათლებლო პროგრამა“ უნდა განხორციელდეს ქ. თბილისში, ქ. ქუთაისში, ქ. რუსთავში სამინისტროს მიერ შერჩეულ საჯარო სკოლებში, მიუსაფარი ბავშვებისთვის არსებულ 6 დღის ცენტრში (4 მათ შორის სადღეღამისო თავშესაფრით), ან ბენეფიციარების საჭიროებისთვის შერჩეულ სხვა ადგილზე.

მიუსაფარი ბავშვებისთვის სერვისების მომსახურებისთვის სსიპ სოციალური მომსახურების სააგენტოს პროვაიდერები არიან ორგანიზაციები „ვორლდ ვიჟენ საქართველო“, „საქართველოს კარიტასი“ და „ბავშვი და გარემო“.

2. ორგანიზაციამ უნდა უზრუნველყოს,

დღის ცენტრებისა და სადღეღამისო თავშესაფრების მომსახურების მიმღები ყველა იმ ბენეფიციარის განათლების კომპონენტით მომსახურება, რომელიც არ ირიცხება საჯარო სკოლაში, ან ირიცხება, მაგრამ აქვს სწავლისა და თანატოლებთან ინტეგრაციის პრობლემები და სკოლის ვადაზე ადრე მიტოვების მაღალი რისკის მქონეა. მათ უნდა მიეცეთ შესაძლებლობა ნაცნობ და საიმედო გარემოში მიიღონ საგანმანათლებლო სერვისი, რომელიც მოამზადებს ფორმალურ განათლებაში და თანატოლებთან ინტეგრაციისთვის, ან დაეხმარება სკოლაში სოციალიზაციასა და აკადემიური პრობლემების გადალახვაში. თითოეული ბავშვის აკადემიური უნარების განვითარების მიზნით, საჭიროებიდან გამომდინარე უნდა განხორციელდეს მათთან ინდივიდუალური და/ან ჯგუფური მუშაობა. სოციალიზაციისთვის მიმდინარეობს ბენეფიციარების სასიცოცხლო უნარების განვითარებაზე მუშაობა და მათი სხვადასხვა სპორტულ და კულტურულ აქტივობებში ჩართვა. იმ შემთხვევაში თუ ბენეფიციარების რაოდენობა გახდის შესაძლებელს, შესაძლოა პროგრამაში ჩაერთოს მოზარდები სხვა მიზნობრივი ჯგუფიდან, როგორცაა მცირე საოჯახო სახლების ბენეფიციარები.

3. მომსახურება მოიცავს 5 კომპონენტს:

3.1 სასიცოცხლო უნარების განვითარების ხელშეწყობა

სამუშაო თემები:

- ☐ თვითცნობიერება,
- ☐ კომუნიკაცია,
- ☐ ემოციების მართვა,
- ☐ ინტერპერსონალური ურთიერთობები,
- ☐ კრიტიკული აზროვნება,
- ☐ სოციალური პასუხისმგებლობა;

სასიცოცხლო უნარებზე მუშაობისთვის რეკომენდებულია მომსახურების მიმწოდებელმა ორგანიზაციამ იხელმძღვანელოს 12 წლის და მეტი ასაკის მქონე ბენეფიციარებისთვის პროგრამით, რომელსაც მიაწოდებს საქართველოს განათლების, მეცნიერების, კულტურისა და სპორტის სამინისტრო. პროგრამა შექმნილი და

აპრობირებულია ორგანიზაციის ა(ა)იპ „ვორლდ ვიჟენ საქართველოს“ მიერ და გათვლილია 60 აკადემიურ საათზე. ის წარმოდგენილი იქნება სატენდერო დოკუმენტაციის დანართის სახით.

12 წლამდე მოზარდებთან სასიცოცხლო უნარების განვითარებაზე სამუშაოდ დაქირავებული ორგანიზაციის ტრენერებმა უნდა განსაზღვრონ სტრატეგია და მეთოდოლოგია, მათი ინდივიდუალური საჭიროების გათვალისწინებით. ტრენერების პროფესია და კვალიფიკაცია უნდა შეესაბამებოდეს აღნიშნულ მოთხოვნას. სასურველია დაქირავებულ სპეციალისტებს გააჩნდეთ ფსიქოლოგიური განათლება, ან უმაღლესი განათლება და სასიცოცხლო უნარების განვითარებაზე მუშაობის გამოცდილება.

3.2 აკადემიური უნარების განვითარების ხელშეწყობა, შესაბამისი ასაკობრივი პროგრამების გათვალისწინებით შემდეგი მიმართულებებით

- ☐ წერა-კითხვა სახელმწიფო ენაზე;
- ☐ ანგარიში;
- ☐ საბუნებისმეტყველო მეცნიერებების საფუძვლები;
- ☐ სამოქალაქო განათლება;
- ☐ წერა-კითხვა ინგლისურ ენაზე;

3.3 სპორტული და კულტურული ღონისძიებები

განხორციელების სტრატეგია:

მომწოდებელმა უნდა უზრუნველყოს

- ☐ სხვადასხვა აქტივობების დაგეგმვა პროგრამაში ჩართული ბენეფიციარების მონაწილეობით, სპორტული და კულტურული ღონისძიებები სკოლებში მათი თანაკლასელების/თანასკოლელების მონაწილეობით (მინიმუმ 3 სპორტული და 3 კულტურული ღონისძიება პროგრამის თითოეული წლის განმავლობაში)
- ☐ ბენეფიციარების დასწრება კულტურულ და სპორტულ ღონისძიებებზე (მინიმუმ 2 სპექტაკლზე და/ან კონცერტზე, ან თანამედროვე ტექნოლოგიებით აღჭურვილ კინოთეატრში ფილმის ჩვენებაზე და 2 სპორტულ ღონისძიებაზე პროგრამის თითოეული წლის განმავლობაში)
- ☐ ექსკურსიები ბენეფიციარებისთვის ქალაქის ღირსშესანიშნავ ადგილებში (მინიმუმ 2 ექსკურსია პროგრამის თითოეული წლის განმავლობაში)

3.4 სკოლის გაძლიერების ხელშეწყობა

პროგრამაში ჩართული ბენეფიციარების საჯარო სკოლების პედაგოგების და დირექტორებისთვის მიუსაფარი ბავშვების და ზოგადად ბავშვთა მოწყვლადი ჯგუფების მიმართ ცნობიერების ამაღლებისთვის შექმნილია ტრენინგის მოდული თემაზე „მოწყვლადი ჯგუფების ბავშვთა საგანმანათლებლო საჭიროებების იდენტიფიკაცია, მათთან კომუნიკაციის და თანამშრომლობის სტრატეგიები“. ტრენინგის მოდული მოიცავს 25 საკონტაქტო საათს და შეფასებულია სსიპ მასწავლებელთა პროფესიული განვითარების ეროვნული ცენტრის მიერ ერთ კრედიტად. აღნიშნული ცენტრი ასევე უზრუნველყოფს მის ჩატარებას.

მომსახურების მომწოდებელმა ორგანიზაციამ უნდა უზრუნველყოს ტრენინგის მონაწილეთა შერჩევა და მობილიზება. კოორდინაცია გაუწიოს საქართველოს განათლების, მეცნიერების, კულტურისა და სპორტის სამინისტროს, სსიპ მასწავლებელთა პროფესიული განვითარების ეროვნულ ცენტრსა და შერჩეულ სპეციალისტებს შორის კომუნიკაციას.

3.5 სკოლის მოსწავლეთა მშობლებისთვის საინფორმაციო კამპანია

- მიუსაფარი ბავშვების მიმართ საზოგადოებაში არსებული სტიგმის წინააღმდეგ ბრძოლის მიზნით უნდა შეირჩეს „ტრანზიტულ საგანმანათლებლო პროგრამაში“ ჩართული მოსწავლეების სკოლები მათი კლასელების მშობლებისთვის საინფორმაციო კამპანიის საწარმოებლად;
- უნდა შეიქმნას და დაიბეჭდოს საინფორმაციო ბუკლეტები (ერთი სახეობის 1000 ცალი) საქართველოს განათლების, მეცნიერების, კულტურისა და სპორტის სამინისტროსთან თანამშრომლობით;
- უნდა დაიგეგმოს და ჩატარდეს მშობლებთან შეხვედრები (8-10 შეხვედრა რომელიც მოიცავს ყველა ჩართული ბენეფიციარის ინტერესებს), ბუკლეტების გადაცემა და საკითხის განხილვა.

4. ტრანზიტული საგანმანათლებლო პროგრამის განხორციელება:

- პროგრამაში ბენეფიციარები ირიცხებიან სსიპ სოციალური მომსახურების სააგენტოს მომართვის საფუძველზე ან მიუსაფარი ბავშვების სერვისების მომართვის საფუძველზე;
- საჭიროების შემთხვევაში ბენეფიციარის საგანმანათლებლო საჭიროებები შეფასდება საქართველოს განათლების, მეცნიერების, კულტურისა და სპორტის სამინისტროს მულტიდისციპლინური გუნდის მიერ;
- მომსახურების მომწოდებელი კომპანია საქართველოს განათლების, მეცნიერების, კულტურისა და სპორტის სამინისტროს წარმომადგენლებთან ერთად შეარჩევს და დაიქირავებს
 - ✓ მასწავლებლებს ბენეფიციარებთან აკადემიური მიმართულებით მუშაობისთვის (10 ადამიანი 80-100 ბენეფიციარისთვის),
 - ✓ ტრენერებს სასიცოცხლო უნარების განვითარების მიმართულებით სამუშაოდ (6 ადამიანი, აქედან 2 ქუთაისში);
 - ✓ კონსულტანტ-ფსიქოლოგებს პედაგოგებისა და ტრენერებისთვის, ასევე ბენეფიციარებთან კონტაქტში მყოფი სხვა სპეციალისტების კონსულტირებისთვის (3 ადამიანი, აქედან 1 ქუთაისში);
 - ✓ სოციალურ მუშაკებს, რომლებიც კოორდინირებას გაუწევენ პროგრამაში მოსწავლეთა ჩართულობას და განხორციელებენ მათი სწავლა-განვითარების ინდივიდუალური გეგმის პროგრესის მონიტორინგს, ასევე უზრუნველყოფენ მათ სოციალიზაციას, სკოლაში ინტეგრაციას და საჭიროების შემთხვევაში ოჯახთან მუშაობას (3 ადამიანი, აქედან ერთი ქუთაისში);
 - ✓ კოორდინატორებს, რომლებიც უზრუნველყოფენ პროგრამების შესრულებას, სამინისტროსთან მიმდინარე ანგარიშ-ვალდებულების შესრულებას (3 ადამიანი, აქედან ერთი ქუთაისში);
- მომსახურების მომწოდებელი კომპანია უზრუნველყოფს ბენეფიციარებისთვის, მათი საგანმანათლებლო საჭიროებების გათვალისწინებით მუშაობის გრძელვადიანი და მოკლევადიანი მიზნების განსაზღვრას და მათი შესაბამისი აქტივობების განხორციელებას;
- მომსახურების მომწოდებელი კომპანია უზრუნველყოფს „ტრანზიტული საგანმანათლებლო პროგრამის“ ბენეფიციარებისთვის თვალსაჩინოებებისა და დამხმარე სასწავლო მასალის შექმნას (წიგნები, რვეულები, განმავითარებელი თვალსაჩინოება, საკანცელარიო ნივთები და ა.შ.);
- მომსახურების მომწოდებელი კომპანია უზრუნველყოფს მშობელთათვის საინფორმაციო კამპანიის განხორციელებას;
- მომსახურების მომწოდებელი კომპანია უზრუნველყოფს სკოლის გაძლიერებისთვის დაგეგმილი აქტივობების შესრულებას;

4. მოსალოდნელი შედეგები

მომსახურების მომწოდებელი ორგანიზაციის მიერ ყველა კომპონენტის განხორციელების საფუძველზე შესაძლებელი უნდა გახდეს სკოლის მიღმა დარჩენილი ბავშვების ჩარიცხვა სკოლაში, ხოლო ჩარიცხულებისთვის ინტეგრაციის პრობლემების დაძლევა. ე.წ. ქუჩაში მცხოვრები და მომუშავე ბავშვებისთვის სკოლაში სწავლის მოტივაციის სტიმულირება, თანატოლებთან ინტეგრაციის გაიოლება, რაც მათი პიროვნული ზრდა-განვითარების და საზოგადოებასთან ჯანსაღი შერწყმის წინაპირობაა.

ასევე შესაძლებელი უნდა გახდეს სკოლის მიღმა დარჩენილი ბავშვების ინტეგრაციის ბარიერების შემცირება საჯარო სკოლაში პედაგოგების, ადმინისტრაციის წამომადგენლებისა და სკოლის მოსწავლეთა მაქსიმალური მზაობით მოწყვლადი ჯგუფის ბავშვთა მიმღებლობისთვის. ასევე მათ მიმართ საზოგადოების შემწყნარებლობის გაღვივებით და სტიგმის დაძლევით.

5. ტრანზიტულ საგანმანათლებლო პროგრამისთვის დასაქირავებელი ძირითადი კადრების რაოდენობა და საკვალიფიკაციო მოთხოვნები

მომწოდებელმა ხელშეკრულების გაფორმებიდან 10 დღის ვადაში უნდა დაიქირავოს პერსონალი შემდეგი რაოდენობისა და კვალიფიკაციის შესაბამისად:

1. ტრანზიტული საგანმანათლებლო პროგრამის კოორდინატორის/ების საკვალიფიკაციო მოთხოვნები
 - უპირატესობა მიენიჭოს უმაღლეს განათლებას ფსიქოლოგიაში ან სოციალურ მეცნიერებებში;
 - სპეციალური საგანმანათლებლო საჭიროების მქონე ბავშვებთან მუშაობის მინიმუმ ერთწლიანი გამოცდილება;
 - რაოდენობა მინიმუმ 3 კოორდინატორი.
2. ბენეფიციარებთან აკადემიური მიმართულებით მუშაობისთვის მასწავლებლების საკვალიფიკაციო მოთხოვნები:
 - უმაღლესი განათლების მქონე სპეციალისტები, მზად მოსწავლის ინდივიდუალური საგანმანათლებლო საჭიროებების გათვალისწინებით განსაზღვრული დაჩქარებული და შეკუმშული სასწავლო პროგრამებით მუშაობისთვის, თანამედროვე მეთოდების და მეთოდოლოგიების გამოყენებისთვის შესაფერისი ცოდნით და უნარებით აღჭურვილი.
 - სპეციალური საგანმანათლებლო საჭიროების მქონე ბავშვებთან მუშაობის მინიმუმ ერთწლიანი გამოცდილება;
 - რაოდენობა - 10-13 ადამიანი, ბენეფიციარების რაოდენობის მიხედვით.
3. კონსულტანტი-ფსიქოლოგების საკვალიფიკაციო მოთხოვნები:
 - უმაღლესი განათლება ფსიქოლოგიაში,
 - სპეციალური საგანმანათლებლო საჭიროებების მქონე ბავშვებთან მინიმუმ 3 წლიანი მუშაობის გამოცდილება;
 - მოწყვლადი ჯგუფის ბავშვებთან მინიმუმ 3 წლიანი მუშაობის გამოცდილება.
 - რაოდენობა - 3 ადამიანი.
4. ტრენერების საკვალიფიკაციო მოთხოვნები:
 - უმაღლესი განათლება ფსიქოლოგიაში,
 - ტრენერად მუშაობის გამოცდილება სპეციალური საგანმანათლებლო საჭიროებების მქონე ბავშვებთან, (მინიმუმ 2 წელი);

- რაოდენობა - 6 ადამიანი.

5. სოციალური მუშაკები მიუსაფარი ბავშვების სკოლებთან კომუნიკაციისა და კოორდინირებული მუშაობისთვის

- სოციალური მუშაკის მინიმუმ ბაკალავრის აკადემიური ხარისხი;

- მიუსაფარ ბავშვებთან და ოჯახებთან მუშაობის გამოცდილება ან მოწყვლადი ჯგუფებთან მუშაობის გამოცდილება;

- რაოდენობა - 3 ადამიანი.

6. მშობლებთან შეხვედრების ფასილიტატორების საკვალიფიკაციო მოთხოვნები

- მოწყვლადი ჯგუფებიდან ბავშვთა დაცვის ან მათი უფლებების მხარდაჭერის მიმართულებით მუშაობის გამოცდილება

- რაოდენობა მინიმუმ 2 ადამიანი.

მიმწოდებელი
პრეზიდენტი

ნინო თოდუა



შემსყიდველი:
ეკონომიკური დეპარტამენტის უფროსი

მარიამ ტაბატაძე



ხელწერილი ინტერესთა კონფლიქტის არ არსებობის შესახებ

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, საქართველოს განათლების, მეცნიერების, კულტურისა და სპორტის სამინისტროსა და ააიპ „სამოქალაქო საზოგადოების განვითარების ცენტრი“ (CSDC)-ს შორის 2019-2020 წლების განმავლობაში მიუსაფარი ბავშვებისთვის (ე.წ. ქუჩაში მცხოვრები და მომუშავე ბავშვებისთვის) სპეციალური საგანმანათლებლო სერვისის - „ტრანზიტული საგანმანათლებლო პროგრამის“ განხორციელების მომსახურების შესყიდვის მიზნით გასაფორმებელი ხელშეკრულების ფარგლებში მიღება-ჩაბარებისა და კონტროლის აქტზე ხელმომწერი პირები სრულად ვაკმაყოფილებთ კანონის ამ მოთხოვნას და არ ვიმყოფებით ინტერესთა კონფლიქტში მიმწოდებელთან.

მიღება-ჩაბარების აქტის ხელმოწერაზე უფლებამოსილი პირი:

სკოლამდელი და ზოგადი განათლების განვითარების დეპარტამენტის უფროსის მოადგილე

ეკატერინე ლეჟავა



კონტროლის აქტის ხელმოწერაზე უფლებამოსილი პირი:

ინკლუზიური სწავლების ხელშეწყობის პროგრამის "განათლების მეორე შესაძლებლობა სოციალური ინკლუზიით" ქვეპროგრამის კოორდინატორი განათლების მეორე შესაძლებლობის მიმართულებით

ლელა გაფრინდაშვილი



15.02. 2019 წელი